


DE GLOBO TERRESTRIS

tium in ortu æstiuo. Fauonius habet Africum in occasu brumali, & Corum in occasu æstiuo. Horum nomina Græca & Latina subiecimus in hac obiecta figura.



Nauicularij uero recentiores triginta duos uentos ponunt. Nam horizontem in partes 32. diuidunt inuicem æquales, imponuntq; illis nomina uentorum pro usu locorum, sicut uideri licebit in compassis ac cartis marinarijs. Sunt etiam quidam peculiare quibusdam gentibus uenti, non ultra certum procedentes terminum, ut Atheniensibus Sciro, paulo ab Argete deflexus. Narbonensibus Circius, qui nec ad uicinam quidem eiusdem prouinciæ peruenit urbem, sic in Syria Syrus, in Sicilia Carbasus, in Ponto Detracidas. Sunt præterea innumerabiles, fluminibus, stagnis, aut finibus nominati, extra hos tamen ubiq; sunt duo, spiritus magis quam uenti nominati, scilicet aura quidem leuis motus aëris in terra & ripis, in pelago uero seu alto Altanus &c.

De longitudine locorum ab fortunatis iusulis,
& qualiter ea deprehenditur.

CAPVT VIII.



Longitudo loci siue habitationis, est segmentum A equatoris, uel sibi æquidistantis paralleli, meridiano orientioris loci & fortunatarum insularum, quæ nunc magnæ Canariæ, meridiano inclusum. Est autem meridianus in terra circulus per terræ polos, & locū habitationis tuæ ductus, in quem cum Sol incidit, meridiē efficit omnibus sub illo meridiano habitantibus. Vnde gradus metientes arcū æquatoris inter primum longitudinis gradum, siue primū meridianū, & meridianū qui